

ՎԱՋԳԵՆ ՉԱԼՈՅԱՆԻ ԿՅԱՆՔՆ ՈՒ ԳՈՐԾԸ (ծննդյան 80-ամյակի առթիվ)

Լրացավ Հայկական ՍՍՀ գիտության վաստակավոր գործիչ, Հայկական ՍՍՀ ԳԱ թղթակից անդամ Վազգեն Կարապետի Չալոյանի ծննդյան 80 տարին: Վ. Չալոյանը եղել է սովետական շրջանի հայ փիլիսոփայության պատմության մարքսիստական ուսումնասիրության ըսկզբնավորողը, հայագիտության այդ բնագավառի հիմնադիրը:



Վ. Չալոյանը ծնվել է 1905 թ., Ալեքսանդրապոլում (այժմ Լենինական): Սկզբնական կրթությունը ստացել է ծննդավայրում, 1923 թ. ընդունվել է Երևանի պետական համալսարանի պատմա-հասարակագիտական ֆակուլտետը, որն ավարտել է 1928 թվականին:

Վաղ է սկսվել Վ. Չալոյանի աշխատանքային գործունեությունը: Դեռևս ուսումնասիրության տարիներին նա որպես մանկավարժ աշխատում է տեխնիկումներում, իսկ հետո նաև ՀԿ(Բ)Կ կենտկոմին առընթեր կենտրոնական կուսակցական դպրոցում՝ դասավանդելով հասարակագիտություն, 1930—1934 թթ. Վ. Չալոյանը դիպլոմատիկական և պատմական մատերիալիզմի դասընթաց է կարդում Երևանի բժշկական ինստիտուտում, ապա նաև Երևանի պետական համալսարանում, միաժամանակ վարելով Կուլտուր-պատմական (պատմություն, գրականություն, կերպարվեստ) թանգարանի դիրեկտորի պաշտոնը: Վ. Չալոյանի կյանքում նշանակալի էին ասպիրանտական ուսումնասիրության տարիները Մոսկվայի պատմության, փիլիսոփայության և

գրականության ինստիտուտի ասպիրանտուրան՝ փիլիսոփայության պատմություն մասնագիտության գծով: Ավարտելով ասպիրանտուրան նա աշխատություն է գրում Նզնիկ Կողբացու մասին և 1939 թ. այն պաշտպանելով որպես դիսերտացիա՝ ստանում է փիլիսոփայական գիտությունների թեկնածուի գիտական աստիճան: Այդ ժամանակվանից ի վեր, մինչև իր կյանքի վերջը (1981 թ. մարտ), նա նվիրվում է հայ փիլիսոփայության պատմության հետազոտմանը և ավելի քան 40 տարի համաոգրեն ու հետեղականությամբ աշխատում միշտ գիտական միեռնային բնագավառում: Իր քրտնաշան և բեղուն աշխատանքի շնորհիվ նա կրտսեր գիտական աշխատակիցի բարձրագույն մինչև գիտությունների դոկտորի աստիճան, դարձավ Հայկական ՍՍՀ ԳԱ թղթակից անդամ (1965 թ.):

Վ. Չալոյանն առաջինը ձեռնամուխ եղավ հայ փիլիսոփայության պատմության մասնագիտական ուսումնասիրությանը: Երբ նա ակսեց այդ գործը, չէր կարելի հիշատակել մի աշխատություն, որը ամբողջովին նվիրված լիներ անցյալի հայ որևէ մտավորականի փիլիսոփայական հայացքների լուսարանմանը: Երբ Վ. Չալոյանը գրում էր «Նզնիկ Կողբացու ուսմունքի հարցի շուրջը» աշխատանքը, որը հրատարակվել է 1940 թվականին, կարելի է ասել, լիովին խուպան էր հայագիտության այդ անդառանը: Սկսելով հայ փիլիսոփայական մտքի սկզբնավորման ժամանակաշրջանից, նա այնուհետև ուսումնասիրեց Դավիթ Անհաղթի փիլիսոփայական հայացքները, որը դարձավ նրա դոկտորական դիսերտացիան (1946): Այս մեկնագրության մեջ Վ. Չալոյանը տվել է ինչպես Դավիթ Անհաղթի ժամանակաշրջանի բնութագիրը, նրա մասին եղած գրականության տեսությունը, այնպես էլ մանրամասնորեն լուսաբանել է Դավիթի փիլիսոփայական ուսմունքը, շարադրել նրա տրամաբանական հայացքները, ցույց տվել նրա տեղն ու դերը հայ փիլիսոփայական մտքի պատմության մեջ, նրա ազդե-

ցությունը հետագա դարերի, հիմնականում հայ փիլիսոփա-մտածողների վրա: Երկար տարիների հետազոտության արդյունք է նրա «Հայ փիլիսոփայության պատմություն» մենագրությունը, որը ռուսերեն լեզվով լույս տեսավ Երևանում (1959): Այս աշխատության հատկանշական կողմերից մեկն այն է, որ նրանում լուսարանվում են աշխատավոր ժողովրդի մշակույթն ու փիլիսոփայությունը, բացահայտվում է նաև շահագործող դասակարգի պրոգրեսիվ խավի փիլիսոփայական միտքը: Աշխատությունը հետագայում լույս է տեսնում նաև Մոսկվայում՝ «Հայաստանում փիլիսոփայական մտքի զարգացումը» վերնագրով (1974), իսկ հայերեն լեզվով՝ 1975 թ., Երևանում: Որպես ազգային փիլիսոփայության պատմության շարագրանք, Մոսկվայի Հրատարակությունը իր տեսակի մեջ առաջինն է. այն առաջին անգամ առանձին գրքով ներկայացնում է մի ժողովրդի ազգային փիլիսոփայական ժառանգությունը՝ մ. թ. ա. VI դարից մինչև XVIII դարը ներառյալ:

Վ. Չալոյանը հայ փիլիսոփայության պատմության այն մասնագետներից էր, որն ակտիվ կերպով հետաքրքրվում է մշակում էր իր առարկայի տեսական մեթոդաբանական սկզբունքները: Լինելով Հայաստանում Վերածնունդի գոյության տեսակետը կրթող պաշտպանող հայագետներից, նա այդ պրոբլեմին է նվիրել առանձին ուսումնասիրություն, որը հրատարակվել է Մոսկվայում (1963), ապա՝ Երևանում (1964): Նրա գրչին է պատկանում նաև «Արևելք-Արևմուտք» նշանավոր աշխատությունը, որը երկու անգամ՝ 1968 և 1979 թթ. լույս է տեսել Մոսկվայում և Եհերեն՝ Վարդապետի: Այս գիրքը, ինչպես տեսնում ենք, գրավել է ոչ միայն մեր երկրի, այլև արտասահմանյան երկրների գիտնականների ուշադրությունը: Գրքում նա զարգացրել է այն տեսակետը, թե ոչ միայն Արևմուտքն է մշակույթի զարգացման պատմության մեջ դեր խաղացել, այլև Արևելքը, զաղափար, որն ուղղակիորեն հակադրվում է եվրոպոցենտրիստական կոնցկպցիային և ունի քաղաքական-զաղափարական որոշակի նշանակություն:

Վ. Չալոյանը լուրջ ուշադրություն էր դարձնում մեթոդաբանական հարցերին: Վերջին տարիներին նա գրում էր «Հայ ժողովրդի պատմության փիլիսոփայությունը» աշխատությունը, որը, ցավոք, մահվան պատճառով չկարողացավ ավարտի հասցնել: «Դավիթ Անհաղթի փիլիսոփայությունը և նրա ազդեցությունը հետագա դարերի մտածողների վրա» գիրքը (ռուսերեն) հղավ Վ. Չալոյանի վերջին աշխատությունը, որը հրատարակվեց Դավիթ Անհաղթի ծննդյան 1500-ամյակի տոնակատարության օրերին (1980): Վ. Չալոյանը այն բախտավորների թվին էր պատկանում, որի գրչի տակից դուրս եկած յուրաքանչյուր ավարտուն աշխատություն լույս է ընծայվել՝ լինի դա հոդված, թե մենագրություն: Դա բացառություն է այն բարեխղճությամբ ու խստագահանչությամբ, որով նա մոտենում էր գիտական երկրին, որով առաջնորդվում էր գիտական աշխատանք կատարելիս:

Ճանաչված լինելով Միության մեջ որպես հայ փիլիսոփայության պատմության լավագույն մասնագետ, Վ. Չալոյանը «Սովետական մեծ հանրագիտարան» և «Փիլիսոփայական հանրագիտարան» բազմաթիվ հոդվածների հեղինակ էր: Նրան է հանձնարարվել գրելու «Փիլիսոփայության պատմություն», «Փիլիսոփայության պատմությունը ՍՍՀՄ-ում» բազմահատոր կոլեկտիվ աշխատությունների հայ փիլիսոփայության պատմությանը վերաբերող հիմնական բաժիններն ու գլուխները: Կարելի է ասել, որ Վ. Չալոյանի միջոցով են հայ փիլիսոփայական մտքի գլխավոր ներկայացուցիչները ճանաչվել միութնական ընթերցողների կողմից: Այս առումով էլ նա հայ փիլիսոփայության ակտիվ պրոպագանդիստն ու շնորհալի մասսայականացնողն էր:

Վ. Չալոյանի գիտական գործունեությունը միայն այսքանով չի սպառվում: Նա հայ փիլիսոփայությանը մատուցել է նաև այլ բնույթի ծառայություններ. սովետահայ նշանավոր գիտնական Արշակ Աղամյանի հետ 1956 թ. նա հրատարակում է Հովհան Որոտնեցու «Վերլուծութիւն Ստորագրութեանցն Արիստոտէլի» քննգիրը՝ զուգահեռ ռուսերեն թարգմանությամբ, որով սկզբնավորվում է հայ փիլիսոփայական մտքի հուշարձանների մատենաշարի հրատարակությունը: Վ. Չալոյանը, Ս. Լալաֆայանի հետ համատեղ, պատրաստել է նաև «Անանուն մեկնութիւն Ստորագրութեանցն Արիստոտէլի» աշխատության համահավաք քննգիրը, որը գրաբարից ռուսերենի է թարգմանել Ս. Արևշատյանը: Վ. Չալոյանը գրել է այդ «Անանուն մեկնութեան» առաջաբանը, որն առանձին գրքով հրատարակվեց 1961 թ.: Վ. Չալոյանի ռուսերեն թարգմանությամբ լույս է ընծայվել նաև Նզնիկ Կոզբացու «Եղծ աղանդոց» նշանավոր երկը: Հայ անցյալի փիլիսոփայական մտքի հուշարձանների հրատարակումը խիստ կարևոր գիտական նշանակություն ունի, քանի որ դժվարություններով առկեցուն այդ թարգմանությունները ճանաչում են բերում հայ անվանի փիլիսոփաներին, ռուսերենի շնորհիվ նրանց

գործերը դարձնելով ոչ միայն Սովետական Միության, այլև աշխարհի մյուս երկրների գիտնականների սեփականությունը:

Վ. Չալոյանի համառ աշխատանքը, նվիրվածությունը սիրած գործին տվել է իր պտուղները. նա պատկառելի ավանդ է մուծել հայ փիլիսոփայության պատմության ուսումնասիրության բնագավառում: Նրա հետազոտությունների շնորհիվ հաստատվեց ու ամրապնդվեց հայ փիլիսոփայության պատմության գոյության փաստը, որի մասին սկզբում կասկածներ էին հարուցվում: Նրա ջանքերի շնորհիվ այսօր արդեն ոչ ոք չի տարակուսում, որ առկա է հայ փիլիսոփայական հարուստ միտք, որն իր պատվավոր տեղն ունի հայ մշակույթի դարավոր պատմության մեջ:

Այժմ արդեն շատ է առաջադիմել հայոց փիլիսոփայության պատմության ուսումնասիրության գործը: Գրվել են բազմաթիվ մենագրություններ՝ նվիրված առանձին հեղինակների, ուսումնասիրությունների՝ նվիրված հայ փիլիսոփայության պատմության առանձին փուլերին ու պրոբլեմներին: Բայց որքան էլ բազմապատկվեն այդ ասպարեզի նվաճումները, Վ. Չալոյանը սերունդների կողմից միշտ կհիշվի որպես այդ գործի պիոներ, այդ բնագավառի սկզբնավորող ու հիմնադիր:

Վ. Չալոյանը ակտիվ կերպով մասնակցել է միջազգային և համամիութենական բազմաթիվ գիտական սեսիանների, սիմպոզիումների, կոնգրեսների. փիլիսոփայության պատմության միջազգային համաժողովին (Վառնա, Բուլղարիա), նեոպլատոնիզմին նվիրված միջազգային սիմպոզիումին (Հռոմ), «Վերածնունդ, գյուղացիական պատերազմ և Ռեֆորմացիա» կոնգրեսումին (Բեռլին), «Փիլիսոփայությունը, սոցիալական առաջընթացը» սիմպոզիումին (Մոսկվա) և այլն:

Վ. Չալոյանի ծառայությունները բարձր են գնահատվել կուսակցության և կառավարության կողմից: Նա պարգևատրվել է «Պատվո նշան» շքանշանով և մեդալներով. նրան շնորհվել է Հայկական ՍՍՀ գիտության վաստակավոր գործչի պատվավոր կոչումը, Մեսրոպ Մաշտոցի անվան մրցանակը՝ «Հայոց փիլիսոփայության պատմություն» աշխատության համար:

Վ. Չալոյանը անսահման սիրով էր նվիրված իր գործին, աշխատասեր էր ու սկզբունքային: Իր այդ հատկանիշները նա ավանդել է իր գործնկերներին:

Իր ծննդյան 30-ամյա տարելիցին Վ. Չալոյանը հիշվում է որպես բազմահմուտ, համառ ու հետևողական գիտնական, փիլիսոփայությամբ ներշնչված մի խանգավառ ընկեր, փիլիսոփայություն, որին նա ծառայեց նվիրումով իր ողջ գիտակցական կյանքի ընթացքում:

ՍՏՅՓԱՆ ԹՈՎՄԱՍՅԱՆ

ԳԵՎՈՐԳ ԳՐԻԳՈՐՅԱՆ

Փիլիսոփայական գիտությունների դեկտեմբեր